

復初齋集外詩

得

初

齋

集

外

詩

一
十

四

卷

吳興劉氏
嘉業堂刊

復初齋集外詩卷第一 嘉業堂叢書

百宋盛栗風育詩四時寓大興 翁方綱 正三

甲申上七十七首 栗此詩不識古史贊齋栗賦

筆觀元旦 變章無語自顯命百風東門精必棄誠栗

嚮晨已覺歲華增獻瑞還於暖意徵臘雪蚤占年有穫

曉雲都傍日之升五更爆竹紅連陌一夜椒觴綠映燈

總入吉祥雲物裏瞳矓曙色上觚稜 蓋熟却語同寫

食栗三十韻 圖下執餽至令飄風和願更想

吾鄉新歲語慣以栗爲利但取能獻祥豈誠誤識字 京

諺云食 栗則利 迎節消寒時此物常充饋佛粥和既旨春盤飣

亦備罇發得氣先拱棘含苞異漸脫紫殼圓始賞黃穰

貴撰每雜椒馨蒸或等玉臚乾較鮮更美熟與焦誰試

我昔遊燕南飽見中林植收同千樹戶產憶三秦記固

安與中山連類滋北地易州種尤佳名與寧桃嬈

易栗寧桃

並北方佳果山家所旨蓄園丁時贈遺至今觸風味彌復感

節次尙無一畝園虛媿數升致几筵羞應時磊砢寫盈

器皺如場剝棗實擬籩加芰錦里芋同嘗楚宮榛且置

薦酒邀賓娛擲柱效兒戲秋核摘豈遙晨漿嚙猶易過

拳雖近夸已攣寧無謂唐隰儉可風東門詠勿棄繭栗

取諸色黃中表誠意纈栗比於德不獨告虔贄齋栗型

有家溫栗風有位卽物寓至理顧名當思義佳境等噉

蔗良圖漫食荔寒氈爆固好頑兒覓何媿甘芬本自然

焙燭徒多事紛紛買楊家笑我亦嘗嗜

京師最重楊家炒栗

正月八日

上於太和殿視祈穀祝版侍班恭紀

聖主薦馨誠蚤達敬

天心卽愛民情焚香正導初辛氣釀雪都爲五穀精自古有年占八百況今三白肇嘉平炳霄光與同雲色總向蠅蝟蠖獲生

八日爲穀日

新春雪後郊行五首

銀泥堆屋宵輕消野婦晨炊野叟樵只有寺僧閒倚戶盼人晴上馬家橋

宏善禪居樹不枯虎頭神妙想鴻臚看鐙我亦貪城市

閒殺雲林似畫圖

宏善寺有禹鴻臚之鼎畫

塢標法藏寺峻嶒每苦風高不易登且喜晴光映林木
放生池雪爛於冰

微茫如薺遠揚條綠似萌芽白似描點綴雪中都自好
不知何苦畫芭蕉

野人饋歲取松柴亦趁風光臘底迴今歲風光晴更好
入城肯送杏花來

金谿李貞女詩

青青豫章木生根便爲偶請看李氏女終作周家婦女
以夫爲家夫死身焉投姑亡養誰奉舅出貧誰調煢煢
節誰知女皆置弗謀八年如一日深閨閉幽憂素車今

歸來一息而千秋姑亡如有嗣夫死如有迷古稱婦奠
菜未知有此不石受雷而穿金值火而流未知此女心
生死一姓周徑宜以婦稱附之詩柏舟

夏仲昭墨竹

卷首商文毅公書瀟湘過雨四字
後有柯學士潛劉太常儼諸公題

去年曾賦朱五所藏史琳卷今朝錢七示我夏景之橫
圖瀟湘過雨題宛似此題乃出商公書商公之書得竹
意夏公作竹如作字篆籀遺法豈不傳但見陰森舞交
翠湘君宅畔煙冥冥一梢雨後留寒青水邊迷離草樹
雜葉底被濯蛟龍腥柯莆陽劉吉水掣筆淋漓爲君起
歎息斯人復何人不虛自在稱居士

自在居士夏自號
也東坡題文與可

墨竹云斯人定何
人游戲得自在

吳仲圭竹

澹濃落墨只兩竿，千枝萬葉搖其閒。
須臾絹空不見竹，幾折活水流潺湲。
水潨枯葦葦夾石，石角乃忽來青鸞。
垂梢頗愁疾風折，掉尾似入陰雲蟠。
卷末條條數十葉，比之拂石疏尤難。
長松無聲月在地，清影一片留空山。
諦觀不悟筆所使，但有蒼然生暮寒。

同蘊山郊遊三首

正月十七日

未踐城中約，翻期郭外尋。
渾將看畫意，併作蹋青心。
白紙坊迤邐，伽藍記鬱森。
西郊路不遠，已復一雲林。
本約遊北城諸寺不果

紺塔十三級，風鈴一片音。
浮雲圓自罩，碧殿影逾深。
卻

說江南寺君爲北望心爾時未得我同上上頭吟天寧寺塔

高二十七丈五尺凡十三層蘊山因說前年登南京報恩寺塔

緇流能作記重勒益都文善果今因號南梁漢孰云年

來思訪舊日下續前聞不獨逢燕九尋眞叩白雲善果寺馮

益都撰碑後有僧超宗記

仲春三日

經筵恭紀

華蓋文昌座宵來紫氣深春風生珥筆曉殿啟

傳心

先遣官祀傳心殿

延訪精神接光輝咫尺臨兩班分綵

袖六拜萃華簪

羣臣行兩跪六叩禮

得展琅函祕如隨矩步箴

進講

時講官皆方折而行

發明增仰企絀繹本微忱論政民之利陳謨

帝曰欽惠而因益善成以省彌森是日進講論語因民之所利而利之尚書

屢省乃成都自躬親踐寧於章句尋羣黎看徧德千聖聽

同音訓誥稽從古

君師建在今五雲飛繞處六合總爲霖

仲春三日積粹齋前輩蒙

恩授御史五年以來同直講幄於後輩中最承辱愛

爰敢抒其愚以當芻蕘之獻凡三百二十字

瞳矐上觚稜威鳳翮其羽請聽朝陽鳴不獨丹山舞

我雙鴈冠同日登柏府先生登更速書名曰纔五先生以正

月二十八日講官改諫官此事舊罕覩是日羅旭莊前以御史記名輩與先生同授

御史旭莊前充講官

帝心蓋有屬先生宜記取先生在

講幄職業蚤自許獨力肩校讎寒暑忘

去聲

勤苦帶絲綸

所昭布牋奏所綴敘繫以條甲乙析以目覩縷政典與
官常日存而心貯以此任言責知必有建樹古題諫院
名比之袞職補詩人詠德輶柔茹與剛吐孰是中立人
不畏亦不侮作耳目喉舌作股肱心膂又稱嘉謀猷入
必以告主或用爲風霜卽等作霖雨所以哲人節不待
繡衣斧立懦而廉頑桓桓毅孔武往者居館下文章爛
纂組是皆忠孝心非但雕績語我
皇闢明聰翕受同舜禹九衢植善旌九陛懸諫鼓喤喤
臺省端敲扣鐘與呂先生今此往必應于簏簾先生受

恩久勤思報

當亡我送先生出執手更延伫編摩多質疑尙賴不我拒媿我徒鉛槧祝公爲鼎柱疏擬魏元成頌擬仲山甫公其益勛諸賦詩忝贈處

春宿史館

二月四日

良夜東風滿上林都疑金鑰玉珂音鐙紅自爲恩光近漏院方知瑣闥深仲月初來持被宿春星正照掖垣陰向晨須傍螭頭立默數籤籌勵寸心

二月十七日同錢蔣石庶子辛楣學士博晰齋洗馬周稚圭侍講自西苑歸沿長河一帶遊萬壽寺昌運宮雙林寺大正覺寺凡四首

盤空蒼石磴不到倏三年駐馬聊參偈開門卽聽泉松
花清磬外蒲席晚鐘邊始信仇池穴能通小有天

遂跨廣源圃因尋昌運宮碑曾勒楊李人尙說張馮合

抱諸松在蒼陰萬壽同正臨春漲闊謾謾響迴風

昌運宮本

名混元靈應宮在宛平縣香山鄉廣源圃茶陵李文正
撰碑文新都楊文忠書正德五年爲太監張永建萬厯
中太監馮保重修

碧礪通朱戶紅欄倒綠波閒於橋宛轉飛出石嵯峨苑
樹和煙密山雲得翠多不圖雙步履半日畫中過

梵磬雙林度風鈴五塔聞臺留釋迦蹟戶揭貝多文有

屋皆臨水無窗不納雲定乘五六月於此散炎氛

雙林正覺

皆梵僧所居雙林寺亦以馮保得名大正覺寺一
臺五塔全以石爲之上有佛雙趺蹟亦名五塔寺

曉起入館雨作

二月二十日館課諸君以玉河新柳爲賦題龍池柳色雨中深

爲韻以潤物細無聲爲詩題天明時果雨因口占此

小雨晨光溼正勻
定知柳色發龍津
泥他杜老江船句
一夜隨風莫著人

春日寄懷林蘊齋

美人服紫芝
逍遙礪之阿
令德言樹護
高節匪矢邁
雜佩中玉藻
古調彈雲和
絲絃旣孤直
瓊琚仍切磋
莫知我勞懷
遠隔山與河
夙昔雖歸萑
十載如拋梭
芳菲念彌篤
種植功未多
蘭蕙有同臭
松筠無改柯
薊門柳漸稊
鑑湖春始波
出門蹋新綠
思子當如何

漂麥行

園不窺董江都鉏不釋兒大夫往往田閒亦經濟耕讀
豈卽非良圖持竿但視鄰家雞雨從雲下吾安知日暮
雞來啄不得得毋尙賴持竿力曬麥如雲黃雲收似滌
場妻孥歸一笑把卷可俱忘由來貧士食籍有常處雨
催麥來雨漂去

同裕軒學士遊城南二首

傍郭禪關一扣扉繞扉碧作水田衣春霖不減黃梅漲
已有陰陰白鷺飛

但聞渠水響豈惜屐泥霑斜日明漁舍微風蕩蟹簾栽
桃煩斲土打稻記腰鑣須趁荷開到芡菇葉又尖

去年夏與

學士來此學士歌芡菇葉兒尖
荷花葉兒圓擗石有詩記之

次內子鄰家桃花韻

北鄰不相識從未一經過每日分紅影春風動碧柯屋
頭新雨霽牆角夕陽多誰解濃陰裏惟君共我歌

春郊二首

曉出東郭門迷茫曖層樹不雨已溼衣濛濛但花霧片
雲從風來薄影翳前路遙望桃花林晴隔百餘步驅馬
往就之徑黑又加雨我鞭如釣絲驚起雙宿鷺

新雨霑旣足田夫作且喜驅犢與扶犁相望桃花裏高
田晴無泥下田環蓄水拂以楊柳風村村綠瀾瀾此水
可灌溉不獨滋葭葦良農善因天厥功倍耘耔高田固
難貯下田可借此試望城西南菰芡日肥美